

Duobus *Ardresio* Milliariibus versus Oceanum occurit *Calesium*, opidum natura arteque munitissimum,
 Gallia Clavis & Ianua semper habitum, Muris primo, ut fertur cinctum ab Philippo Bononienfi, S. Ludovici
 Patruo. Arcem habet cum Turri valida, quæ ingressum ex mari in Portum prohibet. Captum fuit ab Eduar-
 do v Anglorum Rege, pridie Nona Augusti, undecimo mense post horrendam Pugnam, quam contra Phi-
 lippum vi, Francorum Regem, ad Cresiacum anno c10ccccxlvii pugnatum, multis depingit Paulus Æ-
 milius lib. ix. Possessum ab Anglis annos ccxi (nam frustra obsederat anno c10ccccxxxi Philippus Bo-
 nus Burgundus, Flandris ipsum deferentibus) & tanquam Gallia Clavem in loculis. ut loqui consueverant
 Angli, servatum, expugnatum, Guisio Duce, Galli recuperarum anno c1015lviii, mense Februario. Æ-
 quali fere Itinere versus Mediterranea *Caletō Bononiaque* distat *Teroana Morinorum*, vulgo *Teroane*: nomen
 retinens, quanquam ab Carolo v deleta. Episcopali Sede Bononiam translata: Flandris, *Terrenmerberch*; *Te-
ruanna* vel *Tarvenna* Antonino, *Tervanna* Itineraria Tabulæ, *Taruanna* Ptolemæo. Quosdam *Tarubanum* appel-
 lare Bovillus adserit. *Terrubanorum* meminit Trithemius in Francorum Historia. *Tervana* quibusdam quasi
Terra-Vana, ob vilitatem territorii. In Notitia Provinciarum, ubi Belgica Secunda Civitates recensentur, no-
 minatur etiam Civitas *Morinorum*, id est, *Ponticum*, l' *Evesché de Teroane*: Colonia, forte *Morinorum* in antiquo;
 Lapide, qui superioribus annis repertus fuit in Gelria, Sugambriorum olim Principatu, dimidiato ab urbe Neo-
 magienfi miliario. Ditto porro *Oyana*, *Terre de Oye*, porrigere se scribitur *Duynkerkam* usque, Flandriae Opi-
 dum. Sunt ibi præter *Oyam*, aliæ quædam Opida sed ignobiliora. Ad Boloniam redeo. Ea Annibus rivulisque
 humectatur *Archia*, qui per Arquense opidum Fanumque Audomari Gravelingam petit. Inde non procul Sca-
 lense est *Æstuarium*, ad usque Arderam Arcem æstuans. Nec desunt æquorei rivuli duo, Marquisianus scilicet &
 Bolonicus. Est & *Hantia* seu *Hesdin* amnis *Hesdino* Opido nomen suum communicans. Sequuntur deinceps
 Pontivorum paludosa fluentia, & *Cauchia* flumen. Horum vero nonnulli amnes pisculenta efficiunt stagna, seu
 vivaria, a vicinis Opidis denominata: cuiusmodi sunt quæ sua lingua vocant *le Vivier d'Hames*, *d'Andre*, *d'Arbres*. Montes.
 Collibus arenariis universus hic Tractus secundum littus maris septus est. In interiori vero regione sunt, quos
 sua lingua vocant *les Monts de S. Ingelvert*, & *les Monts de neuf castel*, & *Dannes*. Silvis vero ac Lucis omnis fere *Silva*.
 conpersa regio, cuius partes *les Bois de Surene*, *Celles* &c. Indigenæ morosi habentur, sibi ipsis plus satis indulgētes. *Vulgi Mores*.
 H h Sequitur